

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

مدالیه

عدلیه ناظری ایهتلو دولتلو عبدالرحمن پاشا
حضر تلرینه التون لیاقت مدالیه سی احسان بیورلمشدر.

تبلیغات

تشکیل محاکم قانونیک اوچنجی و دردنچی ماده لری
موجبجه نواحی مجلسلرینک فصل و جسمنه صلاحیتدار
اولدقلری مواد حقننده ارباب مصالح طرفندن
ویرله جک استدعا نامه لردن قیدیه و مصارف سائر
نظامیه نیک استیفاسنه دائر قانونده بر صراحت
اولدینی حالده بونلر میاننده یوز غروشی متجاوز
دعاوی دخی موجود بولمنسه نظراً دعاوی مذکوره
ایچون محاکم نظامیه مثلو مجالس مذکوره جه خرج
استیفاسی لازم کلدیکی تقدیرده بونک صورت اخذ
واستیفاسنده تردد ایدلمش اولدیغندن بحثله استفسار
معامله نی متضمن مناسرت استیناف محکمه سی مدعی
عمومیلکندن وقوع بولان اشعار اوزرینه، نواحی
مجلسلرینک رؤیتنه مأذون اولدقلری دعاوی ایچون اعلام
ویردمیه رک یالکز دفتر مخصوصه قید ایله اقتضا ایدنلره
بر صورت اعطاء ایده جکی قانون مذکورک بشنجی ماده سنده
مصرح اولمنسه کوره دواثر صلاحیه نیک رؤیت ایده جکی
دعاوی ایچون بر کونه خرج استیفاسنه محل اولیه -
جغندن مجالس مذکوره یه اعطاء اولنان استدعا نامه لردن
قیدیه و رسوم سائر استیفاسی لازم کله جکی انجمن عدلیه
دن افاده اولنمش واولو جهله مذکور مدعی عمومیلکه
تبلیغ کیفیت قلمشدر.

ماردیروس افندینک تحصیل مطلوبی ضمننده کیوه
قضاسی بدایت محکمه سی اجرا دائره سنججه بالمزایده داین
عهده سنه حاله قطعیه و معامله تسلیمیه سی اجرا اولنان
بر باب بوجکخانه نیک اخیراً مصدق قونطورانو ایله حسن
نامنده برینه ایجار اولنهرق مدت اجاره سی ختام
بولمش و مستأجر مرقومک تخلیه دن امتناع ایتمش اولمنسه
مبنی ایجار عقار نظامنامه سی احکامنه توفیقاً تخلیه سنه
تثبت اولندقدده دروننده متصرف سابق بولنان مدیون
اوخانسیک اقامت ایتکده اولدینی کورلمش و صورت
دخولی مستأجر مرقومدن لدی التحقیق استیجارندن

بر قاج کون صکره مرقوم اوخانسیک عائله سیله کله رک
جبراً کندوسنی طرد و اخراج ایله دخول ایتدیکی
آکلاشیله رق دوام اجرا ده تردد ایدلمش اولدیغنک مذکور
کیوه قضاسی بدایت محکمه سی ریاستندن بیلدرلدیکندن
بحثله ایقای مقتضاسنه دائر در سعادت عدلیه مفتشکندن
اعطا قلنان مذکره اوزرینه، دائره اجراجیه تخلیه سی
مقرر اولان بر عقار مستأجرینک جبراً اخراجیه
حق اقامتی اولقسزین اول عقاره دخوله تصدی ایدن
کیسه نیک معامله اجرائیه ده مستأجر مقامنه قائم و معامله
اجرائیه یه قارشو آضعف مخالفتی مستلزم اولان اشبو
حرکتیه تخلیه یه اجباری مرتبه اولوبته بولنه جنی
جهتله حکم قانونک محافظه سی ضمننده مرقوم اوخانسیک
حقننده معامله مقتضیه قانونیه نیک اجراسیله مغایر
معدلت احواله میدان ویرلما سی لزومی انجمن عدلیه
افاده سیله در سعادت استیناف مدعی عمومیلکه اشعار
قلمشدر.

محاکمه مقررالت

در سعادت استیناف مدعی عمومیلکندن:

ارباب فساددن اولدینی ادعاسیله مظنون علیه
اولان علکسان چیچکجیانک در سعادتدن
اسکندریه یه صاوشه رق اوراده فراری لطفی
ایله مضر غرتیه نشر ایلدیکی ومؤخراً الکسان
نوری نامنی آله رق الیوم مصرده دیکر فسدده
ایله سرسریانه وقت چکورمکده اولدینی قو -
میسیون مخصوصنک مضبطه سی مندرجاتندن
آکلاشلمش اولدیغندن اصول محاکمات جزائی
قانوننک مواد مخصوصه سی احکامنه توفیقاً جنایت
محکمه سنده محاکمه سی اجرا قلمنق اوزره قانون
جزانک الی سکزننجی ماده سنک فقره اولاسی
موجبجه جنایتله اتهامه قرار ویرلدیکندن متهم

مرقومک هر زرده کوریلورسه طوتیلوب
محکمه مذکوره توقیفخانه سنه تسلیمی لازم
کله جکی بالجمله ضابطه عدلیه مأمورلرینک معلومی
اولق اوزره اشبو اخذ و گرفت مذکره سی
در سعادت هیئت اتهامیه سندن بالتنظیم اعطا
قلندی.

ارباب فساددن اولدینی ادعاسیله مظنون علیه
اولان رأفتک عسکری یوز باشیلنی رتبه سی
حائر اوله رق از میر خسته خانه لردن برنده
مستخدم ایکن بر سنه اول یونانستانه فرار
ایدوب بعض نشریات خائنانه یه تصدی ایلدیکی
وبناء علیه کندوسنک ارباب فساددن بولندینی
قومیسون مخصوصنک مضبطه سی مندرجاتندن
آکلاشلمش اولدیغندن اصول محاکمات جزائی
قانوننک مواد مخصوصه سی احکامنه توفیقاً
جنایت محکمه سنده محاکمه سی اجرا قلمنق
اوزره قانون جزانک الی سکزننجی ماده سنک
فقره اولاسی موجبجه جنایتله اتهامنه قرار
ویرلدیکندن متهم مرقومک هر زرده
کوریلورسه طوتیلوب محکمه مذکوره
توقیفخانه سنه تسلیمی لازم کله جکی بالجمله ضابطه
عدلیه مأمورلرینک معلومی اولق اوزره اشبو
اخذ و گرفت مذکره سی در سعادت هیئت
اتهامیه سندن بالتنظیم اعطا قلندی.

مصرطه لی حاجی احمدک سرقت قصدیه خانه سنه
دخول ایلدیکی ادعا اولنسندن دولای جنایتله اتهام
اولنان فلاح محمد بن حاجی منصورک اوچ سنه مدته

کوره کوئلسنه دائر خمس سنجائی بدایت محکمی جزا دائره سندن اعطا قلنان یوز الی بش نومرولی اعلام محکمه تمیز جزا دائره سنجه تصدیق ایدلشدر.

اینه کول قضاسنک سرناز قریه سندن صالح افد- ینک کیفیت قتلدن واوغلاری بیرام و ابراهیمه قتل قصدیه تشبیر سلاح المزلندن دولای جنایتله اتهام اولنان قریه مذکوره اهالی سندن درویش اوغلی محمد امینک اون بش ورفیق کهیسا اوغلی عابدینک اوچ سنه مدتلره کوره کوئلرینه دائر ارطغرل سنجائی بدایت محکمی جزا دائره سندن ویریلان ایکیز الی درت نومرولی اعلام محکمه تمیز جزا دائره سنجه تصدیق ایدلشدر.

حلیک پاشا محله سی اهالی سندن کامل بن شیخ احمد موصلی نک قتل قصدیه جرح سندن دولای جنایتله اتهام اولنان حاجی مصطفی بن حاجی احمد عیبه نک اوچ سنه مدتلره کوره کوئلسنه دائر حلب ولای استیناف محکمی جزا دائره سندن اعطا قلنان سکسان بر نومرولی اعلام محکمه تمیز جزا دائره سنجه تصدیق ایدلشدر.

٩٢ نومرولی نسخه ده مندرج جنایت محکمی اعلامنک بقیه سی:

فعل قتلک صورت وقوعی بخنه کلندکده اتخاراً اولیوب ید آخر ایله ایضاع ایدلش اولدینی قضیه محکمه کسب ایتیش یعنی عموم مکاتب عسکریه نظارت جلیله سنک تذکره سی موجبجه مکتب فنون طیه جه تصدیق قلنش اولان فتح میت راپورینه نظراً تحقق و متممک نهایت مقتوله لمعان خانمک سلاح تجربه استعمال ایتدیکنه دال اوله رق سلاح قوللانه یله چکی ادعائی مکتبلی اولسنه قصر و تخصیص ایدوب مکتبلی قزلرک ایسه سلاح انداختنی تعلیم ایتیه جکلرینک بدیهی اولدینی کی طوخانه عامره مشیرت جلیله سنک تذکره جوابیه سنک مبنی علیهای اولان اباب فک افادات رسمیه سیله دخی امنیت تنکی اولان و آلت قتل بولنان روولوری تعلیم ایتیارلرک انداخت ایدمه جکلری مصدق اولسندن و متممک ابتدا کندوسی اویاقی ایکن لمعان خانمک اتخار ایتدیکنی سوبلدیکنک حمله شهادتدن اولدینی حالد اخیراً محکمه ده کندوسی اوقوده ایکن اتخار ایتدیکنی و تحقیقات ابتدایه ده والدهک و همشیره ک یاننده شویه بویه یایدک دیو منفعله اولسنک و محکمه ده بدری احسان بک قوغسنک اتخاره سببیت ویردیکنی و لمعان خانمک کاه روولورنصل آیلور دیو صورددینی

وکاه آتدینی صروده باقدیغنی و بعضاً فشنکری اوچ ماه مقدم آتدینی و بعضاً نه وقت آتدینی بیله مدیکنی و لمعان خانم روولورک انداختی اصولی تعلیم ایتدیکنی و لمعان خانمک طعامی کاه صاغ وصول و بعضاً ایتی ال ایله اکل ایلدیکنی تذکار و بعضی سؤالره جواب ویرمکدن عجز اظهار و بارمغنده کی باروت لکس سنک اولاً لمعان خانمک یاره سندن سرایت ایتدیکنی و مؤخرآ ارن کوبنده روولور آتقدن صکره سبلدیکنی ائنده بولاشدینی و روولورده امنیت تنکی اولدینی صراحه بعد الیان امنیت تنکی بولندینی بولنده سرد گفتارله توفیق قبول ایتیه جک صورنده افادات متناقضه درمیان اولسندن و لمعان خانمک اتخار ایدمکنی حس ایلدیکنی سوبلدیکنی حالد اوطه ده طولی روولور بولندیرنامی اهم ایکن روولورک اوطه نک برطرفده و غلافنک بر جهتنده بولنمی و شاهدردن خدیجه و عرفان خانلره لهنه شهادت ایچون پدرینک یاره ویرمک ایستمی و عیداه بکی طرفدارلرندن برینک تهدید و وعیده قالمشیمی خصوصاً برینک خبر ویرنمی متممک فعلنده و قولنده عدم استقامت و اصابت و بومقوله تکلیفات و تهدیدانک بیهوده یره واقع اوله میه جتی جهتله صاحب تهمت اولدینغه برهان قوی تشکیل ایتسندن و لمعان خانمک بدریه بارشدینی ینه خدیجه و عرفان خانلر مضبوط الاسامی دیگر شاهدر طرفندن خبر ویرلنمه و بالاخره کندوسیه وکیللرینکده بوجهی تصدیقه بولنمه و وقعه دن یک آز مقدم لمعان خانمک متممک خطاباً سن بابا بن انا اوله جغ دیمسه ویدرندن یاره آلوب چارش بایدرمقده اولسنه و بر خانمک محضول عمری اوله جق جکر یاره سنک قدمهاده عالم وجود اولسنه منتظره اولدینی حالد آتی کوره جک کوزینه برده خاگ خون آلود چکمی و صورت غیبه ده ایکی جانه بردن قیه رق ملک الموت وکالت ایتیمی عقل سلیمک تسلیم ایدمکچی احوال دن عد ایدیه مامسنه کوره قتل مبحوث عنیک اتخار صورتیه وقوعی غیر محتمل بولنمندن و وقعه دن مقدم متممک کاه یمک اوطه سنده یاتمسندن و اعتراف مسبوق موجبجه والدهک و همشیره ک یاننده شویه بویه بایورسک و پدرینکک یاننده بایورسک بدن صفودکی دیولمان خانمک کندوسه سرزش ایتسندن میانه لرنده اولان معاشقه و محبتک مبدل برودت و منافرت اولمش اولدینی استدلال قلنمندن و مادامک اول ووجهله متممک افاداتنک قرین اصابت و صحت اولدینی تعین و مقتوله ایله بوزشدقاری تین ایتیش و مادامک قتل ید آخرله ایقاع ایدلش و مادامک لیلأ مقتله متمم ایله مقتوله دن بشقه کسنه بولنماشدر و مادامک مقتوله اتخار ایدمکچی حاوی بر ورقه

یازوب برافماشدر قتلک اتخاره محمول اوله جق هیچ بر جهتی مشاهده ایدیه مامسندن و برده محمد چاوشک لمعان خانم ایله بخیره دن سوبلدیکنی بقال ایتیمک مشتری ایله مشغول اوله رق کورده مامسی امر طبعی اولغله مرقوم محمد چاوش ایله سائر بعض شاهدلره راجع طعن و اعتراض دخی قبوله شایان کوریه مامسندن و شو اسباب و بالاده متمم وکیللرینک مدافعتنه یکان یکان ویریلان جواب حکم ایچون کافی اولوب مدعی عمومی مقامیه مدعی شخصی و وکیلک استناد ایتدیکری سائر دلائل و اماراتک استعمالی زائد و متمم وکیللرینک کافه مدافعانیه غیر وارد کورنمندن ناشی شهادت مسروده و متمم جانبندن وقوع بولان افادات متبایه و اوراق رسمیه مشهوده دن حاصل اولان قرائن قاطعه و حقوق تقدیریه و قساعت و جسدانه ایله فعل قتل مبحوث عنیک فاعلی متمم ابراهیم اولدینی تحقیق ایدرک بناء علی ذلک ثبوت فعله اتفاقله و فقط سبی دائره مجهولیتده قالدیغندن مرقومک بالتیور قاتل اولدینغه اکثریتله قرار ویریلرک محاکمه اوطه سنه عودتله قرار مذکور علناً قرائت و تفهیم اولندقمه معاون مومی ایله مجرم ابراهیمک قانون جزانک یوز یتیش دردخی ماده سنک فقره اولاسی حکمنه توفیقاً تعین جزاسنی طلب وادعا ایلدی.

مدعی شخصی احسان بک بر قطعه استدعا نامه اعطا ایتیکله قیده سی بعد الاستفا اوقوتدیرلر قیده مألنک بوماده دن طولانی بدایت و قعه دن شمدی به قدر اجرت تعقیبه و وزیرنه و اطباء اجرت قدمه سی و وکالت خرجی و استدعا نامه اجرت تحریه سیله پول بهاسی و اجرت وکالت اوله رق جمعاً اوجیوز طقوز لیرا ضرر و خساره دوچار اولدینغندن حقوق شرعی سی باقی قالمق اوزره مبلغ مئذ کورک تحت قراره انمنی خصوصندن عبارت بولندینی اکلانلادی.

مدافعه وکیللرندن حسنی بک تعقیب دعوی مصارفی کندولرینه عائد اولدینی کی خرج وکالت دخی قانوناً تعین ایدلش و احسان بک عسکر اولدینی جهتله وزیرنه اجرتی طلبنه غیر صالح بولنش اولدینی و بوبولده کی حقوق شخصه سندن طولانی حقوق محکمه سنه مراجعت ایتیمی لازم کله چکنی بیان و شابوح اقدی ایله مومی الیه حسنی بک و مجرم ابراهیم تعین جزا حقتده کی ماده معین اولدینغندن بریه جکلری اولدینغنی اتیان ایتلرله بوبایدک محاکمه نک دخی ختام بولدینی بالیان هیئت تکرار مذاکره اوطه سنه چکلدی.

جهت جزایه حقتده دخی مذاکره کیفیت اولندقمه مجرم ابراهیمک حرکتی قانون جزانک یوز یتیش دردخی ماده سنک فقره اولاسنه موافق اولدینغه و فقره مئذ کورده دخی : « بر کیمسه من غیر تعمد بر

شخصی اتلاف ایتیش ایسه اون بش سنه مدتلره کورکه وضع اولنور» دیو محرر بولندینغه مبنی بوقره حکمنه توفیقاً و ابتدای توفیقی اولان اوجیوز اون طقوز سنه سی ذی الحجه سنک یکری آتتیی کونندن اعتباراً مرقوم ابراهیمک اون بش سنه مدتلره کورکه کوئلسنه و اعلام وضبط و استنطاق خرجلری اولان جمعاً ایکیزوز غروشک مرقومدن تحصیلیه عدلیه وزنه سنه تسلیم ایتدیرلنمه و مدعی شخصی احسان بک طرفندن با استدعا نامه طلب ایدیلان مصارفک تحقیقه وقت قالدینغندن بوجهتک تحقیق و محاکمه سنه دیگر کوننده با قلمسنه و مدعی شخصی دیت طلبنده بولندینی تقدیرده مرجعه مراجعتمه مختار اولسنه اوجیوز اون سکر سنه سی تموزینک اون سکرینجی کونی متفقاً قرار ویریلرک اصول تفهیم ایفا قلندی.

قلب آتیه اعمال و سوبیلکینی اعتیاد ایتدیکری ادعاسیله متمم اولان ایتالیالی تیطونالی جیرو لومو و یاسقوال فیرونده و فرانیسکو حقارنده اجرا قلنان محاکمه علیه نتیجه سنده بولنر دن تیطونالی جیرو لومو و یاسقوال فیرونده نک قلب آتیه سورمیلکله مشغول اولدقاری روش افاده لری و اوزر لرندن قلب آتیه ظهور ایتیمی و شهادت و دلائل و امارات ایله ثابت اولدینغندن اول وجهله مجرمیتلرینه و قانون جزانک یوز قرق اوچتی ماده سنه توفیقاً اوز سنه مدتلره کورکه کوئلرینه و دیگر متمم فرانیسقونک قلب آتیه اعمال ایتدیکنی و سوبیلکله مشغول بولندینی حقتده دلائله دسترس اولنه مدینغندن آنکده برأئنه محکمه جنایتجه قرار ویرلشدر.

تیکه قوسنده ساکن چالغیجی نکار و قولتوقی علینک پولیس احمد اقدی به اجرای مأموریت حالنده معامله تحقیر یهده بولندقاری ثابت اولدینغندن مرقوماندن بر لیرا جزای نقدی آتسنه

صحرای جدید موقعنده مستخدم ژاندارمه سواری اونباشیلرندن مصطفایک کندوسنه تسلیم اولنان ارنیود کریم نامنده کی شخصک دقتسزلکله فرارینه سببیت ویردیکنی اقراریه ثابت اولدینغندن برهفته حبسنه

ایرانی بشیرک بارکیر سورمیلجیسی علی اصغری ضرب ایلدیکنی آکلانلایدینغندن اون بش کون حبسنه

والده سنی جرح ایدن اسکدارده انوابجی محمد نشأت اقدیدن بر آلتون آله رق والده سنه ویرلنمه قاضی کوبنده ساکن قهوه چی نیقونک یانی بی ضرب ایلدیکنی ثابت اولدینغندن اون کون حبسنه

حلیمه قادینه محل ناموس سوز سوبیلان صولاق سنان محله سنده ساکن معونه چی صادق بن یارم آلتون جزای نقدی آتسنه

غازینوچی و انکلی ضرب ایدن اونجی دائره بلدییه تنظیمات مأموری عیداه اقدینک بر هفته حبسنه

رنجیر سیمونی ضرب ایدن قاضی کوبنده ساکن قالدیرجی باقی اغانک بر هفته حبسنه

اسکیچی عبداللهی ضرب ایدن محمد بن مصطفادن بر آلتون آله رق مضروب اعطاسنه

مکتب طلبه سندن عارف اقدی بی ضرب ایدن کذلک مکتب طلبه سندن فهمی اقدینک یکری درت ساعت حبسنه

بقلواچی نظرتی ضرب ایدن قومقبوده قوندیره چی ارشاقدن بر آلتون آله رق مضروب اعطاسنه

صندالحی محمد بن رستمک ایوب اسکله سنده قایقچیلق ایدن صادق نام دیگر عبداللهی ضرب ایلدیکنی ثابت اولدینغندن مرقومدن بر لیرا آله رق مضروب اعطاسنه

یدی قلهده قهوه چی نانونی ضرب ایلدیکنی ثابت اولان صابیه لی محمد توفیق اقدینک اوز بش کون حبسنه

خواجه پاشاده ساکن حسن بن عمری ضرب و جرح ایدن یورطه چی یوان ولد وانکلک اون بش کون حبسنه

بولک آراهه چیسی محمد بن مصطفای ضرب و جرح ایدن قصاب رجک اون کون حبسیله بر آلتون آله رق مجروح محمده اعطاسنه

یکیشهرده ساکن ذخاری بی ضرب و جرح ایدن میکهنک اون کون حبسنه

قاسم پاشالی امینه خانمی تحقیر ایدن محمد بن عبداللهدن اون بش بشلک جزای نقدی آتسنه

خاصکوبلی نسیمی ضرب ایدن میشونک بر هفته حبسنه

تراموای مأمورلرندن علیکساندیروسی ضرب و جرح ایلدیکنی ثابت اولان بهجت بکک اون کون حبسنه

اوشاق قسطنی بی ضرب و جرح ایدن کدک پاشاده ساکن علقونک بر هفته حبسنه

پولیس راشد اقدی بی اجرای مأموریت حالنده ضرب و جرح ایلدیکنی ثابت اولان انکلتره دولتی تبعه سندن انظونیونک بر سنه مدتلره حبسنه

انکلتره دولتی تبعه سندن سالوو ولد فیلی ضرب و جرح ایدن غلطه ده ساکن منساو بکرک اون بش کون حبسنه

محله آرسنده طباچه آتدینی ثابت اولان غلطه ده

کمر آلتنده ساکن قهوه چی حیدرک اوچ کون حبسیله برابر بش بشلک جزای نقدی آتسنه

بک اوغلنده چاقی زقاغنده ساکنه نوینک قادی ضرب و جرح ایلدیکری اصولاً ثابت اولان ترلا باشنده اوطه باشیلنی ایدن یانی ایله برادری قوچونک یکری بشر کون حبسیلرینه و اجرت جراحیه اولق اوزره تقدیر ایدیلن ایکی لیرانک بالتحصیل مجروحیه اعطاسنه درسمادت بک اوغلی واسکدار بدایت محاکمی جزا دائره لنجه قرار ویرلشدر

مجازات ایتدیلر

اقتصار قضاسی نای و بدایت محکمی رئیس محمد اقدینک خلاف قانون معاملانندن طولانی جهت عدلیه جه حقتده مقتضی معامله نک ایضاسی لزومه دائر آیدن ولایت مجلس اداره سی هیئت اتهامیه سندن ویریلوب ولایت مشارالیه استیناف محکمی مدعی عمومیکسندن کوندریلان مضبطه اوزرینه رئیس مومی الیهک محاکمه آتیه آتسنه مأذونیت ویریلرک محله تبلیغات لازمه اجرا و طرف عالی مشیختپناهی بهده

اعلانات

نجات مجرم محکومنده:

غلطه ده کمر آلتنده ساکن مفلس ساموئل سالیناز ذمتده آلاچینی اثبات و یا موقتاً قبول و قید ایتدیرمش اولان آلاچیلرک قانون نامه تجارتک ایکیزوز اون برنجی و آتی ولی ایدن ماده سی موجبجه مفلس مرقوم طرفندن تکلیف اولنه جق قوتقوردا تونک مذاکره سیچون اشبو شهر اغستوسک یکری سکرینجی چهارشنبه کونی ساعت بدی راده لرنده محکمه تجارت بخریه نک افلاسه مخصوص اوطه سنه کلری اعلان اولنور.

استانبولده مارویشیلرده کذابچی اوغلی خاننده ٣٠ نومرولی اوطه ده ساکن مفلس آرون بنوه نیسته نک ذمتده آلاچینی اثبات و یا موقتاً قبول و قید ایتدیرمش اولان آلاچیلرک قانون نامه تجارتک ایکی یوز اون برنجی و آتی ولی ایدن ماده سی موجبجه مفلس مرقوم طرفندن تکلیف اولنه جق قوتقوردا تونک مذاکره سیچون اشبو شهر اغستوسک یکری طقوزنجی

پنجشنبه کونی ساعت یدی راده لرنده محکمه تجارت بحریه نك افلاس او طه سنه کلری اعلان اولنور.

ایکنجی تجارت محکمه سنده :

یش اسکله سنده مقیم کاغدی طودورینک ۷ اغستوس سنه ۳۱۸ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمنده اعضا ملازمی عزتلو یا تقو افندینک ژور قومیسر و دعوی وکیللرندن طودورا کی افندینک موقت سندیک تعینلرینه و مغازه سنک تمهیرینه و اوراق و دفاترینک جلبنه و بوبابده کی قرارک موقه اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۱۸ سنه سی ایلولنک بشنجی پنجشنبه کونی ساعت یدیده اصحاب مطلوبک محکمه مذکورده نك افلاس او طه سنه کلری اعلان اولنور.

استانبولده محمود پاشاده قاشیچی خاننده مقیم چوخه تاجری قله اتی ماوروبلوسک ۲۱ اغستوس سنه ۳۱۸ تاریخندن اعتباراً اعلان افلاسنه و مصالح افلاسیه نك رؤیت و تسویه سی ضمنده اعضا سعادتلو جمیل بکک ژور قومیسر و دعوی وکیللرندن ماهر و سلیم حسنی و شمعون لوی افندیلرک موقت سندیک تعینلرینه و مغازه و دپولریله اشیای زائده بیتیه سنک تمهیرینه و اوراق و دفاترینک جلبنه و کفالت مصدقه ارانه ایده مدیککی تقدیرده توقیفنه و بوبابده کی قرارک موقه اجراسنه ایکنجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۱۸ سنه سی ایلولنک دردنجی چهارشنبه کونی ساعت یدی راده لرنده اصحاب مطلوبک محکمه مذکورده نك افلاس او طه سنه کلری اعلان اولنور.

غلطه ده حویار خاننده دستونی خاننده ۲ نومرولی او طه ده ساکن ایکن ایکنجی محکمه تجارتدن افلاسنه حکم اولنمش اولان یورکی جامبولانک ذمتنده آله جغنی اثبات ویا موقتاً قبول و قید ایتدیرمش اولان آله جقلولرک قانوننامه تجارتک ۲۱۱ و آتی ولی ایدن ماده سی موجبجه مفلس طرفندن تکلیف اولنه جق قوتور داتونک مذاکره سی ایچون اشبو اوچوزاون سکز سنه سی شهر اغستوسنک یکر می سکزنجی چهارشنبه کوننده محکمه مذکورده نك افلاس او طه سنه کلری اعلان اولنور.

مناسرت ولایتی مرکز بایت محکمه سی مقوم دأره سنده : مناسرتده صرافیم و قسطی افندیلرک مناسرت بایت محکمه سی حقوق دأره سنده اعطا ایلدکلری استدعاده رسنه نك دیرمنی قریه سندن ناشه و طانه ولدان موشاره ایله میانه لرنده متکون معلوم الحدود املاک و اراضی دعواسنک ۳۱۸ سنه سی ایلولنک ۱۵ نجی کونی ساعت التیده فصل ورؤیتی مقرر ايسه ده مرقومانک اقامتگاهلری مجهول بولدیغندن یوم و وقت مزبورده بالذات محکمه مزبورده حاضر بولنملری و یاخود طرفلرندن مصدق سندله بر وکیل کوندرملری لزومی اخطار وکلدکلری و وکیل کوندر مدکلری حالدده حقلرنده معامله قانونیه اجرا قلنه جغنی معلوم اولق اوزره اولبابده تنظیم قلنان دعوتیه ورقه لری محکمه دیوانخانه سنه تعلیق اولدیغنی اعلانه ایتدار اولنور.

اعلامات شرعیه اجرا دأره سنده :

متوفی رائف بک ورثه سنک چورکچی اصنافندن حاجی حسن آغا ذمتنده قسمت عسکریه محکمه سندن اعطا اولنان برقطعه مقتضا اعلامی موجبجه آله جقلری اولان مبالغ معلومه نك تأمین استیفاسی ضمننده مرهون و فروختی محکوم بولنان بلاط قریبده حاجی عیسی محله سنده محکمه آتی زقاغنده واقع درت نومروایله مرقم دروننده اوچ باب او طه و بر آبدستخانه و بر فرنک طلومبلی بر مائی مشتمل بر باب چورکچی دکانی دروننده موجود سمیدجی کدکنک یوز یکر می سهم اعتباریه آلتش سهم حصه شایعه سی بوندن مقدم بالمزایده لیرای عثمانی یوز غروشدن آتی بیک بشیوز غروش بدل ایله طالبی اوزرنده بولنمش و موقت قراردادده سی کشیده قلنمش اولدیغندن یوزده بش ضمیله بوندن زیاده سی طالب اولنلرک اشبو تاریخ اعلانندن اعتباراً او توز بر کونه قدر مراجعت ایللری و تاریخ مذکوردن صکره ضم قبول اولنموب تقرر ایدن بدل مقابلی طالبی عهده سنه معامله فراغیه سنک اجرا قانه جغنی اعلامات شرعیه اجرا دأره سندن اعلان اولنور.

در سعادت اعلامات نظامیه اجرا دأره سنده :

شهور خانمک با اعلام نظامی رشدی بک ذمتنده آلا جغنی اولان مبالغک تأمین استیفاسیچون وکالت دوریه ایله مرهون و فروختی محکوم اولان داود پاشا محله سنده چارداقلی حمام زقاغنده واقع تخمیناً بیک سکز یوز اون ایکی متر و مقداری دروننده بر بانچوان او طه سیله درت قیوی و ساقز طولانی حاوی و سنوی طقوز یوز غروش ایجار کتورر برقطعه بانچه نك التمش برکون ظرفنده اجرا قلنان مزایده علیه سی نتیجه سنده

لیرای عثمانی یوز غروش حسابیه الی بیک غروشدن طالبی عهده سنده تقرر ایدرک موقتاً قرار داده سی کشیده قلنمش اولدیغندن یوزده بش ضمیله طالب اولنلرک پی اچملریله برابر تاریخ اعلانندن اعتباراً او توز بر کونه قدر در سعادت اعلامات نظامیه اجرا دأره سنه مراجعت ایللری اعلان اولنور.

محمد عارف افندینک صاتیبه حاجی حسین آغا محله سنده کائن اون یدی نومرولو خانه پی ترک ایله غیوبت ایلان علقو ذمتنده با اعلام نظامی آلا جغنی اولان مبالغدن طولانی حکم اعلامک تنفیذ و اجراسی مومی الیه عارف افندی طرفندن طلب و استدعا ایدلمش و وقوع بولان تبلیغات اوزرینه مرقوم علقونک غیوبتی الآن دوام ایلدیکی اکلا شلمش اولسنه مبنی اجرا قانوننک یکر می طقوزنجی ماده سی موجبجه تاریخ اعلانندن اعتباراً طقسان برکون ظرفنده دأره اجرایه مراجعت ایدلمسی و ایدلمدیکی تقدیرده و قوتبوله جق مطالبات قانونیه نك انفاذ و اجراسی جهتنه کیدیه جکی در سعادت اعلامات نظامیه اجرا دأره سندن اعلان اولنور.

طودورینک عرب اوغلی یوانک اوغلی واسیل ذمتنده با اعلام نظامی محکوم به آلا جغنی اولان مبالغک تأمین استیفاسی ضمننده مرقوم یواندن واسیله انتقال ایلان ایرغاد پازاری قریبده قالیجه جی حسن محله سنده بایزید جاده سنده واقع تخمیناً قرق بش آرشون عرصه اوزرینه مبنی التمش الی نومرولی بر باب خراب و اخشاب دکانه کی ربع حصه سنک تاریخ اعلانندن اعتباراً اون بش کون صکره بالمزایده فروخته تشبث اولنه جغنی در سعادت اعلامات نظامیه اجرا دأره سندن اعلان اولنور.

بکقوز بایت محکمه سی اجرا دأره سنده :

بکقوزه تابع آق بابا قریه سنده مقیم فصولیه جی مصطفی اغانک قریه مذکورده ده واقع مع بانچه بر باب دکرمان بدل ایجارندن مترکم دینکک تأمین استیفاسی ضمننده اقدجه جز ایدلمش اولان دره سکی قریه سنده قیر موقعنده یوز اوچ نومرولی یکر می بیک غروش قیمتلو بر قطعه چالیغنک تاریخ اعلانندن اعتباراً اون بش کون صکره بالمزایده فروخته مبادرت اولنه جغنی بکقوز بایت محکمه سی اجرا دأره سندن اعلان اولنور.